



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CCXXXII. Confirmatio Decr. Capit. Gener. Ord. Min. S. Franc. de Observ.  
Discalceat.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



CCXXXII.

Confirmantur Decreta duo Capituli Generalis Ordinis Minorum S. Francisci de Observantia super Moderatione Brevis Clementis XI. circa premium conferendum Lectoribus Linguae Hebraicae, & Controversiarum Familiae Cismontanae.

De Confirmatione alterius Decreti ejusdem Capituli pro prerogativis vocalium Indiarum Occidentalium vide aliam hujus Const. ed. 1729. Sept. 30. P. 6.

Dat. 19. Janu. 1730. An. 6.

BENEDICTUS PAPA XIII.

Ad futuram rei memoriam.

Facti expostio.

§. 1. Exponi Nobis nuper fecit dilectus Filius Josephus Maria ab Eboracense professus, ac Commissarius Curiae Ordinis Fratrum Minorum S. Francisci de Observantia nuncupatorum, quod in Capitulo generali ejusdem Ordinis novissime celebrato duo decreta super moderatione praemii conferendi Lectoribus Linguae Hebraicae, & Controversiarum Familiae Cismontanae dicti Ordinis edita, ac subinde per Nos approbata fuerunt, tenoris, qui sequitur videlicet.

Decreta praedicta.

§. 2. In nupero Capitulo generali Mediolani celebrato die 4. Junii 1729. inter alia, quae ibi pro Cismontana Familia statuta sunt, & deinde Romae a Sanctissimo Domino nostro Benedicto Papa XIII. confirmata inveniuntur duo Decreta sub numero 31., & 32. tenoris sequentis: Proposita ex facultate Sanctissimi Domini nostri moderatione Brevis Clementis XI. super praemio conferendo Lectoribus Linguae Hebraicae, Disinitorium Generale censuit, si Sanctitatis suae placuerit, quod si hujusmodi Lectores jam acquisierint graduationem inter ex-Definitores, connumerentur completo octavo anno inter ex-Custodes. Si autem alia graduationem non gaudeant, solum inter Exdefinitores locum habeant. - Quantum ad Lectores controversiarum Disinitorium Generale censuit si Sanctissimo placuerit, quod si non fuerint Lectores Jubilati, legant per duodennium, eoque completo, gaudeant privilegio Lectorum Jubilatorum, si vero fuerint Jubilati, legant per sexennium, & postea connumerentur inter Patres Provinciae, seu inter Lectores Jubilatos de numero, quoad praecedentiam dumtaxat sine Jure subrogandi.

Preces pro confirmatione.

§. 3. Cum autem, sicut eadem expositio subjungebat, ipse Josephus Maria, quo praemissa firmius subsistant, & exactius servantur, opportune a Nobis provideri plurimum desideret. Nos eundem Josephum Mariam specialibus favoribus, & gratis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decreta praesentia jam per Nos approbata, ut praefertur, auctoritate nostra Apostolica tenore praesentium denuo approbamus, & confirmamus, illisque inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint dicta auctoritate supplemus.

Confirmatio relator. Decretor.

Clausula.

§. 4. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro

tempore quocumque spectabit plenissime suffragari, & ab eis respective inviolabiliter observari: sicque in praemissis per quoscumque Judices ordinarios, & Delegates, etiam Caesarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus praemissis, ac Constitutionibus, & Ordinationibus Apostolicis, necnon quatenus opus sit dicti Ordinis, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanens ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

§. 5. Volumus autem, ut earumdem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Petrum sub Annulo Piscatoris die XIX. Januarii MDCCXXX, Pontificatus nostri Anno Sexto.

Fides habenda transumptis.

Confirmantur quaedam literae, sive Constitutiones Apostolicae pro statu, & bono regimine Provinciae Mexicanae S. Didaci Strictioris regularis observantiae Discalceatorum S. Francisci in Indiis Occidentalibus.

CCXXXIII

Praedictae literae sunt Pauli V. Const. ed. 1618. Apr. 19. Urb. VIII. Const. ed. 1642. Sept. 22. Clem. X. Const. ed. 1674. Jun. 19., Clem. XI. Const. ed. 1702. Nov. 24. Et alia hujus Const. ed. 1730. Jan. 13. P. 6. confirmatum fuit quoddam Decretum Capituli Generalis pro augmento Vocalium Fratrum ejusdem Provinciae.

BENEDICTUS PAPA XIII.

Ad perpetuam rei memoriam.

Dat. 25. Janu. 1730. An. 6.

Debitum Pastoralis officii, quo Ecclesia Catholica adstringimur, Nos admonet, ut paternam Christianissimorum divinis obsequiis, sub suavi Religionis iugo mancipatorum curam gerentes, ea quae pro felici, prosperoque eorum statu, & Regimine a Romanis Pontificibus praedecessoribus nostris provide constituta esse noscuntur, ut firma, & illibata persistant, Apostolici muniminis nostri praesidio libenter cum id a Nobis petitur roboramus.

Procedium.

§. 1. Cum itaque, sicut dilecti Filii Josephus de Massa, & Emmanuel de Vi. unna Fratres ex professo professi, ac Procuratores Provinciae Sancti Didaci Mexicanae, in Indiis, sive nova Hispania Ordinis Minorum S. Francisci de Observantia Excalceatorum nuncupatorum Nobis nuper exponi fecerunt plures literae, sive Constitutiones Apostolicae diversis temporibus pro salubri praefatorum Ordinis, & Provinciae directione emanaverint, nempe binae felicitis recordationis Pauli V. die 19. Aprilis 1618., quarum initium est: *Alias a sel. rec. &c.* & *Dudum a sel. rec. &c.* super erectione dictae Provinciae, ac respective privilegiis, & statutis Fratrum dicti Ordinis: altera Urbani VIII. die 22. Septembris 1642., incipiens, *Alias pro felici &c.*, quibus ejusmodi privilegia confirmantur, & statuta

Facti expostio.